



CONVENIO DE COLABORACIÓN ENTRE A CONSELLERÍA DE POLÍTICA SOCIAL E IGUALDADE E SAÚDE MENTAL FEAFES GALICIA (FEDERACIÓN GALEGA DE ASOCIACIÓNS DE FAMILIARES E PERSOAS CON ENFERMIDADE MENTAL DE GALICIA) PARA O FINANCIAMENTO DOS PROGRAMAS DIRIXIDOS A PERSOAS CON ENFERMIDADE MENTAL RESIDENTES NA COMUNIDADE AUTÓNOMA DE GALICIA E O MANTEMENTO DA ENTIDADE PARA O EXERCICIO 2025

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de Autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución Española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

A Consellería de Política Social e Igualdade é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 139/2024, do 20 de maio, polo que se establece a estrutura orgánica da Consellería de Política Social e Igualdade.

FEAFES-GALICIA figura inscrita no Rexistro de Entidades Prestadoras de Servizos Sociais co número E-0906, mellorar a calidade de vida das persoas con problemas de saúde mental, das súas familias e persoas achegadas, defender os dereitos do colectivo e representar ao movemento asociativo FEAFES no territorio galego, brindando apoio e coordinación ás asociacións que o integran.

Actualmente faise preciso establecer medidas de apoio orientadas ao desenvolvemento do tecido asociativo integrado polas entidades de iniciativa social que traballan na atención ás persoas con enfermidade mental e ás súas familias, dado que desenvolven unha importante labor complementaria á financiada a través dos recursos da administración pública.

Nos orzamentos xerais da Comunidade Autónoma de Galicia para o ano 2025 está prevista unha subvención nominativa a favor desta entidade, polo que para a súa instrumentación, conforme ao previsto no artigo 26.1 da Lei 9/2007, do 13 de xuño, de subvencións de Galicia, e o artigo 37.2 do Decreto 11/2009, do 8 de xaneiro, que a desenvolve, e en congruencia cos obxectivos citados, resulta conveniente a sinatura dun convenio de colaboración entre a Consellería de Política Social e Igualdade e FEAFES Galicia para a atención ás persoas con enfermidade mental e ás súas familias residentes en Galicia.

O obxecto do presente convenio é contribuír ao financiamento por parte da Consellería de Política Social e Igualdade dos gastos de persoal e gastos correntes de FEAFES Galicia e das súas entidades federadas para o exercicio 2025, así como doutros gastos da mesma natureza derivados da execución das actuacións que conforman os programas de promoción da autonomía persoal e prevención e atención á dependencia, dirixidos a persoas con enfermidade mental residentes en Galicia que FEAFES Galicia ten previsto desenvolver durante o ano 2025.



Para o ano 2025 está prevista a execución dos programas e actuacións que de seguido se relacionan:

1. Información e orientación, así como apoio nas xestións administrativas, en materia de promoción da autonomía persoal, prevención e atención á dependencia, dirixido a persoas con enfermidade mental, aos seus familiares e achegados, que se prestará de modo telefónico, presencial ou a través de enderezo electrónico.
2. Atención sociosanitaria no domicilio e fomento da autonomía, para aquelas persoas que teñan unha maior dificultade para recibir atención nos servizos sociosanitarios
3. Asesoramento e apoio xurídico especializado para persoas con enfermidade mental, os seus familiares e achegados.
4. Prevención da enfermidade mental e o deterioro cognitivo en persoas adultas con discapacidade
5. Mantemento e coordinación do movemento asociativo, representación e interlocución institucional e servizo de comunicación/sensibilización coa realización de:
 - Xuntanzas internas e externas coas que se persegue lograr un fortalecemento institucional e organizativo nas entidades federadas, unha mellora e optimización asociativa.
 - Representación en entidades de segundo nivel (Confederación Estatal, Cermi...).
 - Formulación de alegacións a proxectos normativos da Xunta de Galicia.
 - Mantemento da páxina web, redes sociais e infraestrutura de comunicación e equipos de Saúde Mental FEAFES Galicia.
 - Elaboración e divulgación de informes e estudos, de material corporativo e posta en marcha de accións de sensibilización.
 - Organización e participación en campañas informativas, xornadas, seminarios, cursos e encontros.
6. Programa de formación tanto para profesionais do cadro de persoal da entidade destinado a realización das actuacións e programas obxecto da subvención como a cuidadores non profesionais, voluntarios, familiares, outros profesionais do ámbito social, estudantes e persoas interesadas no ámbito da saúde mental.

Non serán obxecto de este convenio aquelas actividades específicas organizadas pola entidade FEAFES Galicia que non deriven do mantemento e funcionamento ordinario da propia entidade.

Daráselle especial atención á muller con discapacidade psíquica embarazada e ás súas familias, en cumprimento da Lei 5/2010, do 23 de xuño, polo que se establece e regula unha rede de apoio á muller embarazada.

No deseño e desenvolvemento dos programas e das súas actividades a subvencionar a través presente convenio incorporárase de xeito transversal o principio de igualdade de oportunidades entre mulleres e homes e terase en conta a perspectiva de xénero no seu deseño e execución.

Para o cumprimento das actuacións dos programas previstos na cláusula primeira deste



convenio a Consellería de Política Social e Igualdade achegará seiscentos sesenta e cinco mil catrocentos trinta euros (665.430,00 €), que serán imputados á aplicación orzamentaria 08.04.312E.481.24 dos orzamentos xerais da Comunidade Autónoma de Galicia para o ano 2025.

Dita cantidade destinarase aos gastos de persoal e gastos correntes necesarios para o desenvolvemento das actuacións antes citadas.

Na cláusula sétima do convenio prevese un anticipo de pagamento do 80% do importe da subvención, coa finalidade de que a entidade beneficiaria dispoña desde o inicio do exercicio económico da liquidez suficiente para facer fronte ás obrigas económicas derivadas da execución deste convenio. Isto vén motivado porque ao tratarse de entidades sen ánimo de lucro, unha parte importante do seu financiamento procede das Administracións Públicas e non contan coa liquidez suficiente ao inicio do exercicio para o desenvolvemento dos programas e actuacións que desenvolven para a atención ás persoas con discapacidade, o que implica ter que acudir a liñas de crédito con entidades bancarias en tanto non perciben o pagamento da subvención concedida, co sobrecusto que iso implica. Así mesmo, conforme aos antecedentes neste centro directivo, as subvencións concedidas en exercicios anteriores a esta entidade están sendo correctamente xustificadas en tempo e forma.

En consecuencia, e dado que ditas condicións de pagamento exceden dos límites previstos no artigo 63.1. un do Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia, e conforme ao previsto no artigo 63.3 da dita norma, para a tramitación deste expediente de gasto será preciso autorización do Consello da Xunta.

Así mesmo, as actuacións obxecto dos programas subvencionados a través deste convenio, recollidas na súa cláusula primeira; a súa adecuación ao ámbito competencial da Consellería de Política Social e Igualdade que asume o seu órgano de dirección, a Dirección Xeral de Persoas con Discapacidade, segundo o previsto no Decreto 42/2024, do 14 de abril, polo que se establece a estrutura orgánica da Xunta de Galicia, no Decreto 49/2024, do 22 de abril, polo que se fixa a estrutura orgánica das consellerías da Xunta de Galicia, e no Decreto 139/2024, do 20 de maio, polo que se establece a estrutura orgánica da Consellería de Política Social e Igualdade, que concretamente no seu artigo 21, prevé a competencia da Dirección Xeral de Persoas con Discapacidade para a proposta, o impulso, a elaboración das bases, e a tramitación dos procedementos de concesión e seguimento das axudas e subvencións a través da concesión directa ás entidades prestadoras de servizos sociais no ámbito da discapacidade; e as específicas necesidades inherentes ao colectivo ao que van dirixidas, considéranse razóns que acreditan o seu interese social.

Asinado dixitalmente en Santiago de Compostela

A directora xeral de Persoas con Discapacidade

Begoña Abeijón Fernández

